

季漢書



季漢書



季漢書卷六十三

諸暨章陶裁良氏纂

邑後學

郭寶疆

全校

吳主孫亮孫休列傳

孫亮字子明，權少子也。權年高而亮少，以故尤畱意之。而全公主嘗譖太子和母子心不自安，因倚權意欲豫自結。數稱述全尚女美，勸爲亮納之。權赤烏十三年遂廢和，立亮爲嗣。以全氏爲妃。權太元元年夏，亮母潘氏立爲皇后。冬，權寢疾，徵大將軍諸葛恪爲太子太傅，會稽太守滕允爲太常，並受命輔太子。明年四月，權薨，亮嗣位。大赦改年，建興。時帝延熙十五年也。十五年閏四月，以恪爲太傅，允爲衛將軍，領尚書事。上大將軍呂岱爲大司馬，諸文武在

位者皆進爵班賞冗官加等冬十月太傅恪率軍遏巢湖
城東興使將軍全端守西城都尉畱略守東城十二月朔
丙申大風雷電魏使將軍諸葛誕胡遵等步騎七萬圍東
興將軍王昶攻南郡毋邱儉向武昌甲寅恪以大兵赴敵
戊午兵及東興交戰大破魏軍殺其將韓綜桓嘉等是月
雷雨天災武昌端門改作端門又災內殿

十六年春正月丙寅亮立全氏爲皇后大赦庚午王昶等
皆退二月軍還自東興大行封賞三月恪率軍伐魏夏四
月圍新城大疫兵卒死者大半秋八月恪引軍還冬十月
大饗武衛將軍孫峻伏兵殺恪於殿堂大赦以峻爲丞相
封富春侯十一月有大鳥五見於春申明年改元僞號五

鳳

十七年夏吳大水秋吳侯孫英謀殺峻事覺英自殺冬十一月星茀於斗牛交趾稗草化爲稻

十八年春正月魏鎮東大將軍毋邱儉前將軍文欽起兵淮南討司馬師與師戰於樂嘉閏月壬辰峻及驃騎將軍呂據左將軍畱贊率兵襲壽春軍及東興聞欽等敗壬寅進於橐臯欽及淮南餘衆數萬口來降魏諸葛誕入壽春峻引軍還二月及魏將軍曹珍過於高亭交戰珍敗退誕別將蔣班以步騎四千來追及於菰陂贊及將軍孫楞蔣修等皆遇害三月使鎮南將軍朱異襲安豐不克秋七月將軍孫儀張怡林恂等謀殺峻發覺儀自殺恂等皆見殺

陽羨離里山大石自立使衛尉馮朝城廣陵拜將軍吳穰
爲廣陵太守畱略爲東海太守歲大旱十二月作太廟以
馮朝爲監軍使者督徐州諸軍事民飢軍士怨畔

十九年亮改元僞號太平春正月爲鐘立廟稱太祖廟二
月朔建業火峻用征北大將軍文欽計將伐魏八月先遣
欽及驃騎呂據車騎劉纂鎮南朱異前將軍唐咨軍自江
都入淮泗九月丁亥峻卒以從弟偏將軍綝爲侍中武衛
將軍領中外諸軍事召還據等據聞綝代峻綝素無名行
大怒己丑大司馬呂岱卒壬辰太白犯南斗據欽咨等表
薦衛將軍滕允爲丞相綝不聽癸卯更以允爲大司馬代
呂岱駐武昌據引兵欲討綝綝遣使以詔書告諭欽咨等

使取據冬十月丁未遣孫憲及丁奉施寬等以舟兵逆據於江都遣將軍劉丞督步騎攻允允兵敗夷滅己酉大赦改年辛亥獲呂據於新州十一月綝爲大將軍假節封永康侯孫憲與將軍王惇謀殺綝事覺綝殺惇迫憲令自殺十二月使五官中郎將刁元告亂於朝廷

二十年春二月甲寅吳大雨震電乙卯雪大寒以長沙東部爲湘東郡西部爲衡陽郡會稽東部爲臨海郡豫章東部爲臨川郡夏四月亮臨正殿大赦始親政事綝所表奏多見難問問左右侍臣先帝數有特制今大將軍問事但令我書可邪亮後出西苑方食生梅使黃門至中藏取蜜漬梅蜜中有鼠矢召問藏吏藏吏叩頭亮問吏曰黃門從

汝求蜜邪吏曰向求實不敢與黃門不服侍中刁元張邠
啟黃門藏吏辭語不同請付獄推盡亮曰此易知耳令破
鼠矢矢裏燥亮大笑謂元邠曰若矢先在蜜中中外當俱
濕今外濕中燥必是黃門所爲黃門首服左右莫不驚悚
又科兵子弟年十八已下十五已上得三千餘人選大將
子弟年少有勇力者爲之將帥亮曰吾立此軍欲與之俱
長日於苑中習焉五月魏征東大將軍諸葛誕起兵淮南
討司馬昭遣將軍朱成稱臣於吳求援又遣子覲長史吳
綱諸牙門子弟爲質六月使文欽唐咨全端等步騎二萬
救誕朱異自虎林率衆襲夏口夏口督孫壹奔魏秋七月
繇率衆救壽春次於鑊里朱異至自夏口繇使異爲前部

督與丁奉等將介士五萬解圍八月會稽南部反殺都尉
鄱陽新都民爲亂廷尉丁密步兵校尉鄭胄將軍鍾離牧
率軍討之朱異以軍士乏食引還繇大怒九月朔己巳殺
異於鑊里辛未繇自錢里還建業甲申大赦十一月全緒
子禕儀以其母奔魏十二月全端懌等自壽春降司馬昭
景耀元年春正月魏諸葛誕殺文欽三月司馬昭克壽春
誕及左右戰死將吏已下皆降秋七月吳封故齊王奮爲
章安侯令州郡伐官材台八月沈陰不雨四十餘日亮以
繇專恣召全尚息侍郎紀密謀曰孫繇專勢輕小於孤孤
見敕之使速上岸爲唐咨等作援而畱湖中不上岸一步
又委罪朱異擅殺功臣不先表聞築第橋南不復朝見此

爲自在無復所畏不可久忍今規取之卿父作中軍都督使密嚴整士馬孤當自出臨橋帥宿衛虎騎左右無難一時圍之作版詔敕綝所領皆解散不得舉手正爾自得之不卿去但當使密耳卿宣詔語卿父勿令卿母知之女人旣不曉大事且綝同堂姊邂逅洩漏誤孤非小也紀承詔以告尙尙無遠慮以語紀母母使人密語綝夜發嚴兵九月戊午比明兵已圍宮亮大怒上馬帶鞬執弓欲出曰孤大皇帝之適子在位已七年誰敢不從者侍中近臣及乳母共牽攀止之乃不得出歎咤二日不食罵其妻曰爾父憤憤敗我大事又呼紀紀曰臣父奉詔不謹負上無面目復見因自殺綝以兵取尙召大臣會宮門黜亮爲會稽王

時年十六

孫休字子烈權第六子也年十三從中書郎射慈郎中盛
冲受學權太元二年正月封琅邪王居虎林四月權薨亮
立諸葛恪秉政不欲諸王處濱江兵馬之地徙休於丹陽
郡太守李衡數以事侵休上書乞徙他郡令徙會稽居數
歲夢乘龍上天顧不見尾覺而異之知其爲非常之兆矣
孫綝廢亮己未綝使宗正孫楷中書郎董朝迎休休初聞
問疑之楷朝具述綝等所以奉迎本意畱一日二夜乃發
十月戊寅行至曲阿有老公叩頭言於休曰事久變生天
下喁喁願陛下速行休善之是日進及布塞亭武衛將軍
恩行丞相事率百僚以乘輿法駕迎於永昌亭築宮以武

帳爲便殿設御座己卯休至望便殿住輿使孫楷先見恩
楷還休乘輦進羣臣再拜稱臣休升便殿謙不卽御座止
東廂戶曹尙書前卽階下讚奏丞相奉璽符休三讓羣臣
三請休曰將相諸侯咸推寡人寡人敢不承受璽符羣臣
以次奉引休就乘輿百官陪位繚以兵千人迎於半野拜
道側休下車答拜卽日御正殿大赦改元永安蓋景耀元
年也

元年冬十月壬午休稱詔曰夫褒德賞功古今通義其以
大將軍繚爲丞相荊州牧增食五縣武衛將軍恩爲御史
大夫衛將軍中軍督封縣侯威遠將軍授爲右將軍縣侯
偏將軍幹雜號將軍亭侯長水校尉張布輔導勤勞以布

爲輔義將軍封永康侯董朝親迎封爲鄉侯又令曰丹陽
太守李衡以往事之嫌自拘有司夫射鉤斬祛在君爲君
遣衡還郡勿自疑己丑封孫皓爲烏程侯皓弟德錢唐侯
謙永安侯十一月甲午大風四轉五復蒙霧連日緦一門
五侯皆典禁兵權傾人主有所陳述祇肅不敢違於是益
恣肆休恐其倉卒生變也數加賞賜丙申令曰大將軍忠
敬內發首建大計以安社稷卿士內外咸贊其議並有勲
勞昔霍光定計百僚同心無復是過亟案前日與議定策
告廟人名依故事應加爵位者卽施行之戊戌令曰大將
軍掌中外諸軍事事統煩多其加衛將軍御史大夫恩侍
中與大將軍分省諸事壬子令曰諸吏家有五人三人兼

重爲役父兄在都子弟給郡縣吏旣出限米軍出又從至
於家事無經護者朕甚愍之其有五人三人爲役聽其父
兄所欲畱爲畱一人除其米限軍出不從又曰諸將吏奉
迎陪位在承昌亭者皆加位一級頃之休聞琳謀逆陰與
張布計十二月戊辰臘百僚朝賀公卿升殿令武士縛琳
卽日伏誅己巳令以左將軍張布討姦臣加布爲中軍督
封布弟惇爲都亭侯給兵惇弟恂爲校尉令曰古者建國
教學爲先所以道世治性爲時養器也自建興以來時事
多故吏民頗以目前趨務去本就末不循古道夫所尙不
淳則傷化敗俗其案古置學官立五經博士核取應選加
其寵祿科見吏之中及將吏子弟有志好學者各令就業

一歲課試差其品第加以位賞使見之者樂其榮聞之者美其譽以敦王化以隆風俗

二年春正月吳大震電三月備九卿官休稱詔曰朕以不德託于王公之上夙夜戰戰忘寢與食欲偃武修文以崇大化推此之道當由士民之瞻管子有言倉廩實知禮節衣食足知榮辱夫一夫不耕有受其飢一婦不織有受其寒飢寒並至而民不爲非者未之有也自頃年已來州郡吏民及諸營兵多違此業皆浮船長江賈作上下良田漸廢見穀日少欲求大定豈可得哉亦由租入過重農人利薄使之然乎今欲廣開田業輕其賦稅差科彊羸課其田畝務令優均官私得所使家給戶贍足相供養則愛身重

命不犯科法然後刑罰不用風俗可整以羣僚之忠賢若盡心於時雖太古盛化未可卒致漢文昇平庶幾可及已諸卿尙書可共咨度務使田桑不至後時稱朕意焉

三年春三月吳西陵言赤烏見秋用都尉嚴密議作浦里塘會稽郡謠言王亮當還爲天子而亮宮人告亮使巫禱祠有惡言有司以聞黜爲候官侯遣之國道自殺或云休鵠殺之衛送者伏罪吳亡後故少府丹陽戴融迎亮喪葬之賴鄉以會稽南郡爲建安郡分宜都置建平郡

四年夏五月吳大雨水泉涌溢秋八月遣光祿大夫周奕石偉巡行風俗察將吏清濁民所疾苦爲黜陟之課九月布山言白龍見安吳民陳焦死埋之六日更生穿土中出

五年春二月吳白虎門北樓災秋七月始新言黃龍見八月壬午大雨震電水泉涌溢乙酉立皇后朱氏戊子立子輩爲太子大赦冬十月以衛將軍濮陽興爲丞相廷尉丁密光祿勳孟宗爲左右御史大夫休以興布有舊恩委之以事也休銳意于典籍思畢覽百家之言欲與博士祭酒韋昭博士盛冲講論道藝昭冲素皆切直布恐入侍發其陰失因妄飾說以拒遏之休答曰孤之涉學羣書略偏所見不少也其明君闇主姦臣賊子古今賢愚成敗之事無不覽也今昭等人但欲與論講耳不爲從昭等始更受學也縱復如此亦何所損君特當以昭等恐道臣下姦變之事以此不容令入耳如此之事孤已自備之不須昭等然